

Bulu - Beyal Mintilan - Wives Scriptures

Efeze 5:22-24 A beyal, su'ane mia bebiene si e be benyo beyôm, aval ane e be Nti. 23 Amu nnôm a ne nlô ya be ngal, aval ane Krist a ne nlô keké, nye ate a ne nyii ya Nyôl jé. 24 Ve aval ane keké é ne éjôé Krist si, nalé fe beyal ba yiane bo e be beyôm mfa'a mam mese.

Efeze 5:31,33 Ajô te fam ja ye li'i ésa ba nyia, ja ye lat a ngal, a bebaane ba ye bo ve nsône wua. 33 Ma wômesane jô na: Môt ase ya be mia, mfa'a wé a yiane nye'e ngal ane émien, a ngale ki a semé'é nnôme wé.

1 Koréñt Ôsu 7:3 Nnôm a jalé'é mam a yiane bo minga wé, a minga a bo'o fe nalé mfa'a nnôme wé.

1 Koréñt Ôsu 7:34 e nlem ô ne nye nkaban. Avale te fe minga a ne tee nnôm, a ngone minga, ba tyelé minleme yôp e mame me Nti, nde ba ye bo étyi e nyôl a e nsisim bibaane. Ve minga a ne nlu'an a tyelé nleme yôp ajô mame ya si nyô: a jeñ ane a ne bo na nnôm a yene nye mvaé.

Kôlôs 3:18 A beyal, su'ane mia bebiene si e be beyôme benan, aval ane da yian e be Nti.

1 Timôté Ôsu 2:11-15 Minga a yiane ku évô, a nyône nye'elan a nsuan émiene si. 12 Me nji kañese na minga a ye'ele nge jôô fam, ajô te a yiane tabe évô. 13 E ne étê na, Adam nye a nga taté kômban, Eve ke a su'ulan. 14 A saa Adam nye a nga du'uban, ve minga, éyoñ a du'ubaney, a nga ku ntyaman atiñ étê. 15 Ve akôsa bo nalé, a ye nyiiban amu abiaé dé, nge a bo mbane ya tabe mbunan étê, nye'an, mfuban a éjjine étê.

Kalate Metata'a 3:16 A nga jô minga na: Ma ye bo mebumé môé njuk, wo ye biaé e nju'u étê minkômbane miôé mia ye timbi e be nnôme wôé. Ve nye a ye jôô wo.

1 Pierre Ôsu 3:1,2 Avale te fe mia, a beyal, su'ane miabebien e si e be benyo beyôme benan. Nalé ate, ja'ane bevo'o ya étê ba bene buni foé Zambe, ba ye buni, saa a nkatane foé, ve amu mbamba ntabane beyale bap, 2 éyoñ ba yene mfuban éjjine ntabane wônan.

Tite 2:1-5 Ve wo, kobô'ô e jam da yiane nya nye'elane. 2 Bemvendé befam be bo'o ôjibi, éjjine, fek, njalan a mbunan ô ne zôsôô, nye'an a mban. 3 Bemvendé be binga, avale da, be tabe'ane da yiane mam me ne étyi, saa bôte bibôta, nge bebete ôdo'é a alo e nyuane bilam, be ye'ele'e mam me ne mvaé. 4 Be ye'ele bengone be binga ane ba yiane nye'e beyôm a bone bap. 5 Be bo éjjine, mfuban, be bo benya beba'ale menda mabe mvo'é, ba ba yian, be suu bebiene si e be beyôme bap, nde mejô me Zambe ma ye bo te biaséban.

Minkana 12:4 Mbamba minga a ne ava'a nnôme wé, ve nyô a ve nnôm ôsone

nyô a ne ane ôkon wo di nye bives.

Minkana 14:1 E minga a dañe fek a lôñe nda bôte jó, v'akute minga da bu'u je a mo mé mebien.

Minkana 19:13 Akute mon e ne ébubua jam asu ésaa wé, a môman me minga me n'asa'a nda da toé mendim éyoñ ése.

Minkana 21:9,19 A ne mvaé ya tabe aku'u ya andil éziñ si, alôte na mia minga a nye'e mejô mi tabe nda jia. 19 A ne mvaé ya tabe vôme bôt be ne momo a dañe na ô bi minga mejô a ôlun.

Minkana 25:24 E ne mvaé na môt a tabe abu'u y'andile nda a dañe ntabane nda jia a minga mintañete.

Minkana 27:15,16 Asa'a nda da toé mendim te tebe e môse mveñ ja noñ a e minga a nye'e ntañete ba funan. 16 Nyô a bi minga ate a bi évuñulu, a wo wé wo bi mbon.

Minkana 31:10-31 Za a ne yene minga a yian? Tañe jó ja dañe nyô meko'o me n'édima beta ndañan: 11 nleme nnôm ô too nye ndi, a nseñge wo ye bo te jemban, 12 e melu mese y'ényiñe jó. A bo nnôme mvaé sa abé. 13 A jeñe mimvote betit a sut a tiñe biyé a mevak. 14 A funane sitima a litan akum a soo bidi ôyap, 15 a kôlô si dibi e ngenan, a ve bôte ya nda jó bidi, a kabe bebo bisaé be binga bé bisaé, 16 a fas ajô ya afub éziñ a kuse de; a bé afube mindik a ma'ane y'ésaé jó. 17 A tiñeti ngu angeteñ dé ane kandé, a a ve mo mé ngu. 18 A wô'ôtane na ma'ane mé me ne mvaé; lambe wé a ne te dim a alu. 19 A nyoñ ôlé ba diñe minsiñga ya tiñe biôm a anyu dé da bi mbôbé minsinga. 20 A kui mo mé asu éngôngole môt, a ve nzôzoé biôm. 21 A nji ko avebe woñ asu nda jó, amu bôte ya nda jó ése be be'e ngômesan é n'ayôñ. 22 A tiñ mimfinga, a bili mengômesan me n'efumulu abui a évele. 23 Nnôm a bili ésemé e mimbé y'akak éyoñe ba bemvendé ya nlam be too vôm ba kobô mejô. 24 A loé be mengômesan a kuane me, a kôme bekandé a ve bekuan abom ba bo makit; 25 ngu a ejijin bi ne nye ngômesan; a simesane mam y'akiti a vioé ôse anyu. 26 A kui anyu a fek, ôyeme wé wo ye'ele a évôvoé ése. 27 A tu'a fombô ane mame ya nda jó ma wulu, a ne te di bidi bi éles. 28 Bone bé ba kôlô si a jô nye na a n'ébotan; nnôme wé fe a kôlô si a se'e nye na: 29 abui bengon be binga e too mbamba ntaban, ve wo wo dañe bese. 30 Ejijin ja duk, abeñ ki momo jôm; ve minga a ko Zambe woñ nye ba ye sek. 31 Va'ane nye ma'ane ya ésaé jó, a e mimbé akak, mimboone mié mia yiane ve nye duma.